

金剛文台經疏

C40
4514
209



金剛般若經疏

隋天台智者大師說

略釋經題法譬標名般若幽玄微妙難測假斯譬況以顯深法金卽三義一實中真上不可僣毀二利用自在摧破諸物三表裏清淨影現分明剛是堅義謂身命財身卽法身命卽慧命財卽法財功德助道用譬二種般若實相般若理性常住觀照般若破五住惑文字般若解脫自在如此三法不縱不橫非並非別成祕藏佛三種身亦復如是實相卽法身如大經明金剛身品觀照卽報身如金剛三昧破諸煩惱



B 64853

文字卽應身隨機利益普現無邊舊云金剛譬于地  
後心因圓之位今言初心至後卽有六種金剛也體  
者若見諸相非相卽見如來是經之正體也宗者約  
實相之慧行無相之檀如人有目日光明照見種種  
色是因諸相非相是果此之因果同約實相用者破  
執爲用一切封著通名爲執破諸相惑顯出功能亦  
自無滯卽力用也教相者有五一摩訶二金剛三天  
王問四光讚五仁王廣略雖異同名般若摩訶以廣  
歷色心乃至種智皆摩訶衍此文略說金剛爲喻也  
次廣解釋言金剛般若此乃摧萬有於性空蕩一無

於畢竟甚堅甚銳名曰金剛智名決斷慧曰解知萬  
像雖繁物我無相有爲斯絕寂其機照故假名般若  
西云跋闍羅亦云斫迦羅此翻金剛云是利鐵亦名  
破具引大經云佛告迦葉汝今決斷譬若剛刀又云  
劫火起時一切皆銷利銳者在下爲金剛際又云往  
古諸佛舍利變爲金剛如意珠今通取堅利爲譬舊  
云體堅利用體堅衆惑不侵利用能摧萬物今問體  
唯堅不利用唯利不堅亦應體則不利用則不堅此  
乃不堅不利何謂堅利百論云眼非知意非見別旣  
非見合云何見今依中論通此問卽無滯義今言堅

利者不堅不利假言堅利如言苦以不苦爲義無常以常爲義空以不空爲義此一例語任運不畏斯難般若如火聚四邊不可觸豈可定作體用耶體用因緣不一不異體堅用亦堅體利用亦利既其不一假名義辨若說體堅卽說用利此是假名義一邊之說離用無體離體無用卽寂寂卽用無別有無用之體主於用也亦無別有無體之用主於體也不一亦不異有因緣故亦可說一說異爲破一說異破異說一假說一異令衆生悟非一非異祇名此因緣不一不異離斷常戲論戲論不得入卽是堅能破斷常

卽是利也問何者爲般若如是堅利答一往性空爲般若不斷不常不一不異性空畢竟空爲般若萬相一無皆悉盡淨大論云般若有三種實相觀照文字實相卽理境第一義諦觀照卽行人智慧智慧鑑此實相說智及智處皆名爲般若文字能爲作詮亦爲般若故云無離文字說乎解脫一體三名同祕密藏問有翻無翻答翻爲智慧問大論云智慧輕薄般若深重云何相翻釋論七十卷釋須菩提五歎不可稱不可量無等等無有邊如虛空解不可稱句云稱名智慧此是稱量檀度非智慧不能準量故稱名智慧

般若定實相此釋不可量何意不可量欲明佛所得  
般若明鑑實相甚深窮邊極底菩薩因中智慧不能  
稱量佛果地般若此是因中智慧輕薄不能稱量果  
地般若何得妄引無翻耶大經云慧有三種般若毗  
婆舍那闍那同一氣類隨名而辨約人般若屬衆生  
毗婆舍那一切聖人闍那諸佛菩薩就法者毗婆舍  
那總相般若別相闍那翻破相毗婆舍那翻正知見  
此卽是總相知見般若翻出離慧卽是屬衆生衆生  
有慧數故闍那諸佛十地菩薩有決斷義故共爲一  
位耳波羅蜜亦阿羅蜜波羅伽等翻度彼岸亦彼岸

到亦度無極此假名無度爲度耳佛已度智慧度名  
一切智菩薩未度亦不名度度時亦不名度不離已  
度度未度故而今言乃度此假名說度一行度二時  
度三果度六度善修滿足爲行度三僧祇滿爲時度  
得大菩提爲果度彼岸者生死爲此岸涅槃爲彼岸  
煩惱爲中流入正爲船筏又慳貪爲此岸佛果爲彼  
岸布施爲河中正勤爲船筏又取相爲此岸無相爲  
彼岸智慧爲河中精進爲船筏一往如此又卽生死  
涅槃俱爲此非生死涅槃爲彼故云遠離此彼岸乃  
名波羅蜜又前生死涅槃雙非中道爲二非生死涅

槃中道爲不二不二俱爲此非二非不二俱爲彼故遠離二邊及以中道名波羅蜜修多羅翻契經經字訓法訓常由聖人心口也次部軸者第一部十萬偈第二部二萬偈並不來此土第三部一萬八千偈卽大品亦名放光第四部八千偈卽小品亦名道行第五部四千偈卽光讚第六部二千五百偈卽天王問第七部六百偈卽文殊問般若第八部三百偈卽此金剛般若獻師云並是如來隨機之說般若非稱量過諸數量豈是一多四五之可說次簡前後言金剛前後者肇師注云五種般若此說最初又千二百

五十人後說大品大數五千人受化轉多故摩訶在後若金剛在後者仁王經云初摩訶次金剛又護念付囑及得慧眼未聞此經似宜在後俱有證據由人用耳對機設教廣略不同從得道夜訖泥洹夕常說般若明理一等若依光讚如來十九出家三十成道至四十二二月十五日食後爲諸菩薩說般若次譯經者羅什法師秦弘始三年卽晉安帝十一年譯又後魏末菩提流支譯論本八十偈彌勒作偈天親長行釋總三卷分文十二分一序分二護念分三住分四修行分五法身非身分六信者分七校量顯勝分

八顯性分九利益分十斷疑分十一不住道分十二  
流通分講說特別一途開章耳就此一經開爲三段  
序正流通序爲緣起說教之前必有由漸分衛放光  
雨華獻蓋等也由漸既起正教宜陳緣教相感其猶  
影響故有正說又非止近被一時乃欲遠傳來際故  
有流通三段各二序有通有別正說前後二周流通  
付囑奉行通序爲五如是者佛所說般泥洹時侍者  
請問答云一切經初皆安如是我聞者親承金口而  
聞事非謬也一時者言則當理理亦如言當理得時  
令人開悟聖不虛說言必會機故言一時也佛者大

師之名佛者覺義異凡夫故自覺異二乘故覺他異  
菩薩故覺滿在舍衛者法王行運應物而遊在舍衛  
城憍薩羅國舍衛名聞物國勝物多出此境嘉名遠  
振諸國故名聞物又舍婆提者昔有二仙翁名舍婆  
此云幼小兄名阿跋提此名不可害合此二人以名  
城也祇樹給園者須達布園祇陀施樹共立精舍廣  
出他經與大比丘者聖化無祕聽必有儔俱聞如林  
可明信矣應有四衆略而不載比丘云怖魔乞士破  
惡千二百五十人者三迦葉一千目連身子二百五  
十爾時世尊下明別序上明通序以證信今辨別序

以發起具上十號故曰世尊食時者食熟之時一人  
家皆有施心易生著衣僧伽梨衣也佛觀良田區塍  
命出家人著此服也持鉢執四天王所奉應器入舍  
衛城乞食法身無待何須乞食天人妙供百味日盈  
自行分衛福物之宜乞食有十利一見相好二去疾  
三除慢四爲女人監護五天龍從六四天王鉢七貧  
富等八不雜九息謗十常在三昧其實不食此城縱  
廣千二百由旬九億家國南城北精舍在東自外以  
適故言入也食時如法食衆生有此勝智機緣將發  
以表般若著衣持鉢衣是被弘誓鎧慈悲之心鉢是

行鉢鉢能盛飯行能趣理卽表解脫城卽法性涅槃  
之城觀五陰舍悉皆空寂不動如城以表法身次第  
乞食不越貧從富不捨賤從貴大慈平等故言次第  
卽表菩薩次第行次第學次第道行行因緣故爲還  
至本處本處卽一切智處歷色心觀至一切智飯食  
訖收衣鉢者卽是果後無復願行無誓故收衣不復  
進行故併鉢洗足已卽是定慧無復垢累塵沙無明  
永去法水清淨故言洗足敷座者卽諸法空爲座四  
無畏處此說般若也別序竟時長老須菩提下第一  
爲正說文又爲二從初至果報不可思議名實智道



重白佛去是方便道或爲後來或爲鈍根或可智度  
善權爲菩薩父母如判大品般若方便兩道分文此  
經略說亦復如是就前段中初問次答問中前述讚  
次正問長老須菩提是對揚主有長人之德夫鉅鐘  
雖朗非扣不鳴聖不孤應影響唯仁須菩提翻空生  
亦名善吉或云東方青龍隨佛從座起者請業之儀  
卽事請道側身避席袒右肩者隋國法以袒爲敬亦  
示弟子執作爲便右膝著地屈曲伏從示無違拒之  
貌合掌斂容祇肅顯師尊道重故克敬盡恭專一之  
至白佛言述讚爲前代八萬四千歲皆輪

王位至釋尊身若

千五百歲作金輪王

此歎身密護念歡意  
卽意護念卽般若實  
作道如父能教詔付囑  
發菩提心者一切智也  
覺標心擬向遠期正覺  
卽實智次問降者方便卽  
發菩提心云何修行云何學  
初略許次廣答略許中有  
下述許如汝所說讚請之

聽

下受

答爲三初

空無所有後忍辱

更爲三段初正明體

初體相中降心約願之心約行皆無所有爲無相因

法身無色爲無得果問何故許中前住後降答中先

降次住互前後者般若多舌義非一轍若約發心前

願後行廣發誓願權引於前次入實相以無住法住

於妙理若約修行要須前修實慧次用權道故有二

觀次第前住後降若就證時權實一心中恆不復前

後今就誓願中有四心一廣大二第一三常心四不

顛倒菩薩發願普濟萬物無邊曠遠故名大心欲願

與涅槃寂滅極樂故名第一生死道長衆生性多而

誨人不倦名曰常心不見能所名不顛倒釋大心者

橫亘四生豎窮三界四生是能住三界爲所住依巖

謂卵含藏曰胎假潤稱濕歛現名化若有色卽欲色

二界無色卽空處有想是識處無想不用處非有想

非無想卽最上天我皆令入下釋第一心法不自起

如所言汝今諦聽下誠示

至誠令諦聽言理弗虛唯然

以肅傾心也佛告下第二廣

無所有次云何名下二明名

力用空無所有還就初中

二信者行深三信受福重

備州

因緣故生但是因緣自性皆空順理爲解乖宗成惑  
惑卽生死流轉受身心苦解卽累滅苦盡寂然永樂  
謂之滅度小乘涅槃灰身滅智爲無餘大乘以累無  
不盡德無不圓名爲無餘生滅觀在名有餘也如是  
滅度下釋常心若有能所卽懈怠以無休倦故名常  
心度無量無邊實無度者大品度空品云度衆生如  
度虛空明衆生無毫末可得只解衆生本來無所有  
卽是悟悟卽名度若有衆生可度者佛菩薩等卽得  
殺罪於一身理而爲論實無有衆生衆生顛倒妄執  
謂有今佛菩薩憐愍說法令悟本無所有名此悟爲

度實無別有衆生異理而度著涅槃中也何以故下  
釋不顛倒以失顯德若有我人可言有滅但是假名  
橫討人我執我爲非忘我爲是是非旣彰得失明矣  
大品中具明十六一我二衆生三壽者四命者五生  
者六養育七衆數八人者九作者十使作者十一起  
者十二使起者十三受者十四使受者十五知者十  
六見者此中略明四耳復次下第二答住問更爲三  
初辨行次舉喻格量後結勸就辨行中二前標無住  
爲本依無住本行於布施卽住般若中也娑婆世界  
宜用檀義攝六資生攝施無畏攝戒忍法攝後三但

舉一檀卽攝六也捨心無恡謂之布施無相可存何  
恡之有施爲六度之首塵爲生法之機二法皆空於  
何不盡次菩薩應如是布施下結成住義施受皆不  
可得不住相也正以虛心而施福不可量理旣無量  
心不應限稱理行施其福彌廣東方虛空下第二舉  
喻格量理行旣顯如說而行其福甚多齊太虛也但  
應如所教住下第三結勸也聖言無謬理不可越如  
佛所教安心住實相也可以身相見不下明願行皆  
無相爲因法身無色爲無得果菩薩發心有三義一  
化衆生二修萬行三向菩提降伏明化物辨住示修

行如來身相卽菩提果體若識法身菩提可登若計  
性實乖之遠矣舉法身明菩提空也不也下善吉深  
識法身故言不可以身相而見或一身一智或言真  
應或言法報應皆是明果若至果理不生不生而般  
若生理不生不生卽法身不可說習報二果不生不  
生卽報身不可說慈誓不生不生卽應身不可說如  
此三身皆不可說那得以身相見如來以因緣故若  
得道人聞說卽悟得見如來若聞不悟雖說身相卽  
非身相故不可見凡所有相皆是虛妄若見非相見  
如來者非因非果有因緣故可得言因亦可言果如

非初發非後發不離初後發卽此意也今只以相爲  
非相非謂遣相別有一非相若能如此卽見如來頗  
有下第二明信者行深文爲三一明行深二釋三引  
證初有問答問頗有人能信不答如來滅後後五百  
歲有持戒修福者二初非一佛二多積者能信此經  
出家持戒在俗修福後五百歲者從六百至一千亦  
云最後五百始有佛法之名能生信者非值一兩佛  
也應以如來滅後是其得道之時如優波掘因緣若  
尋其本非一兩佛也淨信無所得信也無相者爲淨  
信五百論師非不持戒不信大乘四依久植故能信

耳旣得實相淨信如來以種智知以佛眼見見其一  
念信得無量之福如一人以花自供佛一人以花與  
他供佛所得福德問羅漢不能見問彌勒彌勒云自  
者畢苦得辟支與他得成佛是菩薩心故如來知見  
般若爲佛母佛常眼觀此經及受持者福與虛空齊  
非下所測唯佛能知見耳次何以故下第二舉二空  
釋成信者相有三何以故初標次釋後結此中文隱  
有縱釋反釋傳釋初列生空有四我是自在之名入  
爲宰主之目衆生取續前爲義壽者以接後爲能此  
四同爲人執隨用以立四名廣卽十六知見取著此

見不信般若次列法空但有兩句法非法也今言法者說五陰空爲法五陰相爲非法卽以陰空爲藥名法陰有爲病名非法陰病旣除空藥亦遣非法旣謝在法亦亡又持戒爲法破戒爲非法次若持若犯並非法非持非犯爲法是中道義此信達中道離有無二邊乃信此經耳以是義故如筏喻者第三引證信者行深有六初舉經爲證二舉菩薩正行三舉菩薩徧行四舉往古時事五舉淨佛國土六舉譬山王爲證第一引經爲證者譬欲濟河構筏自運旣登彼岸棄筏而去將度生死假乘萬行旣到涅槃萬善俱捨道法尚捨而況非法初以善捨惡後則俱捨如來得菩提下第二舉菩薩正行爲證佛問有菩提可得有法可說不答無有定法名菩提亦無有定法如來可說無定卽是性空解窮相盡謂之菩提無相故不有假名卽不無不有不無何實可得何定可說應化非眞佛亦非說法者應旣不說眞亦復然離眞無應眞應不同由來眞不說應說說卽不說不說而說若知如來常不說是爲具足多聞何以故下釋菩提無相可取諸法空不可說非法卽不有非非法卽不無故不可說有無並無理之極也所以者何理無生滅謂

之無爲無爲之理衆聖同解解會無爲結盡道成一  
解脫義同入法性無爲雖一解有明昧淺深差別也  
三千七寶下枝量前舉虛空此豈不盡今一念信解  
復一番格量積寶多而功薄四句約而福厚金玉三  
千止以養身一偈雖約妙極資神愛佛功德七住未  
忘妙著難覺宜應虚心也七寶是事善緣因天人果  
報不動不出故以動出之慧導之得成菩提一念圓  
信能導衆善此心爲勝實相能出諸法法卽非法諸  
法不生般若生也須陀洹下第三舉菩薩徧行初舉  
四果次善吉自陳須陀洹此云修習無漏亦逆生死

流亦入道流不入色塵是逆流至論在觀無逆無入  
言不入色者卽是六塵過去無明所感無明不實所  
感六塵那得是實旣其不實那得作定有無六十二  
見計以不定性故名不入海爲衆流之川菩提神極  
之淵始會無生必盡源也理無乖順何入之有違理  
故入六塵背塵卽會於理下衆果類然斯陀舍云住  
薄亦一往來欲界思惑九品已斷六品餘三品在故  
言薄人天各一生便成羅漢故名一往來而實無往  
來已得生法二空故阿那舍此云不還亦云不來欲  
界結盡上界證無學應云不來略以無兼不互文現

耳羅漢此云無著亦曰不生三界生盡所作已辦羅漢稱道前三言果果實通四而獨稱道者以得盡無生二智聲聞道極故以道爲名世尊佛說下第二自陳以已所解驗理非虛心空恒靜諍從何起蘭那者寂靜行相盡於外心息於內內外俱寂何時不靜得名不虛必稱實也蘭那此云無事若自謂是離欲卽是有事何謂無事昔在然燈下第四舉往古時事爲證次明菩薩其解亦同如來在昔佛所行般若時非但於假名不入色香等亦不入涅槃亦不入中道是故得成菩提四依齊此明一念信人降伏其心無我

相等淨佛土下第五一念淨信辨其應住以無所住住於般若而取佛土卽是四種莊嚴若自嚴淨卽是寂光若論化他卽具四土相惑此土穢虛明卽國淨嚴國之義亦在虛心如是嚴淨土應行檀等生清淨心不住色香其心無住三番法非法等一念淨心無住之住卽是非因而因而降住等也譬如下第六須彌山王此卽非果而果須彌翻云安明四寶所成是十山中一一雪山二香山三軻梨羅山四仙聖山五由乾陀山六馬耳山七尼陀羅山八所迦羅山九宿惠山十須彌山因大故果大得法性五陰成就法



身故言大如須彌須彌以譬法性色色大故般若大如山大神亦大習果既圓報果亦滿法身非身故言大身恒河下第三信者福重文有四階一福多二處重三人尊四總結恒河者是神名此河長八千由旬廣四千由旬甚深象度皆沒沙細如麴水白如乳初言三千不卽恒河者自少至多一恒河爲本復數諸恒河諸恒河之沙三重爲數捨寶多而福少持經少而福多者經之勝用復次下明處重一切世間總明處貴天人修羅略明三善道供養如塔此云方墳亦名靈廟尊法身故敬塔爲重經故貴說經處大品合

利起塔不及般若何故說處如塔其義實爾但世人敬塔故令說處如塔是人成就最上下明人尊法妙人稱理故宜然希有之法是菩提成就卽人可貴如法華說最實事卽是第一義諦最上之法也若是經典下總明經所在之處卽爲有佛尊重弟子人能弘法卽人有法以法成人卽法有人人法所處理當貴矣非果而果卽爲有佛非因而因卽以尊重弟子謂普賢文殊等初章竟當何名下第二辨名空無所有夫條散難究本一易尋會宗領旨宜正其名文有四段初名字空二受持福多三信受行深四佛述初中

有問答問各問持遵修爲奉任弘爲持在三成範請  
問其軌佛告下答各答持名冠題首義已備矣境慧  
相從通名般若那要宜別歸乎聖心拏綱舉目詮合  
義從名正理顯宜應修習所以者何下釋夫名不虛  
設必當其實金剛所擬物莫不碎此慧所照法無不  
空卽非般若卽慧空也境滅慧忘何相不盡弘持之  
旨宜在於此釋中初無所有二亦無所有而意異故  
明不無所有此簡性空義一者性自是空二者破性  
說空前有所無空後無所有空大品云諸法無所有  
如是有如是無所有是事不知名爲無明有所無望  
前無所有望後前三藏中說性義皆破卽屬破性說  
空所攝而此性義前時爲緣爲有者今日悉無故言  
有所無而言無所有望後明諸法無所有而復有不  
無所有義卽明如是有故經云不知名無明破性說  
性空橫論破病一切悉皆洗淨是盡亦盡是淨亦淨  
豎論入道盡復有不盡義此望道爲論卽此盡淨爲  
道道有隔凡成聖之用不同二頭三手之無所有復  
有不無所有義卽是如是有義若是前無所有一向  
無所有無所有亦復無所有後明無所有卽是不無  
所有無所有各雖同其意有異就前中初明如空次

明如亦空所以者何佛說般若則非般若此是如空  
既以性空爲般若般若卽非般若性空如亦空如來  
有所說法不境慧都空復何所說說不說如不如二  
智皆空也三千下是第二受持福多不無所有亦二  
初明微塵不無所有二明身相不無所有佛說微塵  
卽非微塵是名微塵故是無所有如是有大品云不  
知名無明今明了此如是有卽智慧也散爲微塵合  
成世界世界無性故非假名卽有可以三十二相下  
二明身相不無所有非相假名身相只以身爲非身  
不是遣除身別有非身也亦非遣相別有無相相無  
相不一不異恒河沙身命下說經名已復一番校量  
前寄捨財以明勝此寄捨身以辨多依報易捨正報  
難捐自易之難示化漸也身命布施不免有生弘持  
四句累滅道成聞說經深解下第三信受行深有四  
初須菩提不聞二餘人能信三善吉聞易四餘人聞  
難深解悲泣者嗟我晚悟兼悲未聞愍念一切衆生  
不知此法故悲聞此法喜故悲深嗟小乘嗚呼自責  
故悲不善觀空名得慧眼故爾前雖聞未聞如此降  
伏應住也若復有人得聞下第二餘人能信實相者  
卽是非相若有少相卽非實相故以無相爲實相如

來說此而人能信豈非第一希有而言生實相者此  
是無生生也小品云色不生故般若波羅蜜生若解  
色無生卽是無生觀智起故般若生也我今得聞下  
第三善吉信易遇佛道成證聖方信何難生值佛世  
親得解悟解故信之易也若當來世下第四餘人信  
難生不值佛而能信如是無相之法斯豈不難就文  
更爲四初明信者希有末法時信最可稱美二何以  
故下釋信者由無我相能信此經若纔有少許我人  
等相卽不信也三所以者何下釋無相意我相卽是  
非相無片許相可得故其能不顛倒我人等從本以  
來無一相可得故其體本來無相卽爲希有此是反  
釋四何以故離一切相卽名諸佛相盡解極卽是爲  
佛能離有無畢竟常住前云若見諸相非相卽見如  
來佛告下第四如來述成若善吉自言容可不定言  
無我人卽是佛者佛今印定如汝所說是故非虛一  
往怛愕名驚心膽怯弱名怖深惡前事名畏又驚是  
始行怖是二乘畏是外道亦初聞經不驚次思義不  
怖後修行不畏第一卽般若諸度中最爲第一六從  
後數亦是第一忍辱下第三明般若功用無所有然  
諸法不出體名用今皆無所有文更爲三初力用無

所有二能如是解仰叅佛慧三明福多就初中復五  
一體無所有二功用三勸誠四引證五舉譬第一體  
者安耐名忍加毀爲辱旣無我人誰加誰忍故非忍  
爲忍忍爲非忍爲般若體也何以故下第二明般若  
用以非忍爲忍有大力用初一世忍次多世忍一歌  
利此云惡生王何故忍卽非忍引事爲證有苦能忍  
有忍無苦旣無我人割忍何生若有人我必生忿恚  
而能恬然無我明矣二又念五百世下卽多世忍菩  
薩知身無所有捨不足難若有此身捨大難也尸毗  
代鴿猶是三藏中事忍前明有忍無苦今明無苦有

樂有慈悲故無恨無恨故卽樂也應離下第三勸  
此是般若之中心故須精解就文又二一勸二誠文  
句相叅初勸發心次勸應住後勸修行前誠離相後  
誠莫染心施今卽初勸離相發心菩薩以相盡爲極  
故宜以忘懷而期心也不應下卽是前誠不應住色  
心中離一切相不住聲香等也應生無所住心者卽  
次勸應住般若般若無相可緣心何所住若心有住  
卽爲非住住相卽心動故非住也是故下是後誠令  
不住六塵行施還舉前宗會以成義理無住故應忘  
心而施不住色無財物也菩薩爲利下卽是後勸令

爲利益而行施施不望報利益必深也如來說一切  
諸下第四引證證中有三第一舉佛說爲證諸相皆  
無不見施者我說一切相卽非相不應住相生心行  
施又說一切衆生卽非衆生受者亦無不應化衆生  
而受度也如來是真語者下第二舉能說人爲證真  
是不僞實是無虛如必當理不誑非妄不異卽始終  
恒一聖言不謬故宜修行也無實無虛下第三舉所  
得法爲證寄實以非虛何實之可得耶若疑我說法  
非者及能說人亦非者今我所證得法只自如此心  
實作此證不實不虛兩捨無生無滅等例然故所說  
如所得非虛言也菩薩心住法下第五舉譬顯住相  
非曉冥若夜遊前舉有得爲非後明無得爲是若住  
色香等行施不能得見諸法若不住法行施如有目  
日光能得見色無我三事卽不住相也慧見爲目理  
境爲日萬行顯別爲種種色諸法本來空菩薩觀心  
復知其無所有而行布施者卽所見明了此中先法  
後譬直說譬耳當來之世下第二能如是解卽仰叅  
佛說當來若能受持卽爲佛悉知見皆得成就無量  
無邊功德如來所見理用非謬明將來宜加勤修也  
日三時捨下是第三福多若能如是信者勝一日三

時以恒河沙身之與命布施分一日爲三分故言初中後施重又多功德彌曠若於此經生心不逆福勝前施施卽有限信心無極何況書寫持讀誦說但言以信況復弘持也以要言之下答上無所有如是有不可思議事也能知諸法本來無所有而以無所有爲有卽不可思議此文有十第一經不可思議理圓道極言卽盡美提宗表實約言之耳物莫能測不思議也筭數不該不可稱量也蕩然無涯無邊耳以要言之略此三句矣文理平等無所有如是有非般若爲般若非身相爲身相皆不思議也第二爲大乘者

說爲最上乘者說此經在始便爲大乘不爲三乘廣運無涯謂之大乘超三乘之勝謂之爲最上自非其人不能說也包含名大無勝最上如來悉知見者人高道曠唯佛見之荷擔菩提千載不墜由於人弘任持運行荷擔義也背荷肩擔非身而身實相法身非因非果卽是兩肩也第三何以故下三乘不堪聞不信受樂小是二乘著我是凡夫著見是外道不能讀誦以失釋得也第四在在處處下地是無知法處故貴雖復廢言息義此處常有天龍圍遶如帝王所居之處人皆宗重天人供養此處是塔恭敬作禮香花

而散也第五轉障本有重障習學般若先世重罪現在輕受止爲人輕賤過去重罪卽得消滅罪起由惑福生於解福解旣積宿殃滅矣第六當得菩提卽受記也累滅解生菩提可登故佛懸記第七我念過去下明能持經者所得福德勝佛往行然燈佛時始獲無生忍今能無所得心而持經者得福勝我阿僧祇佛所值八百四十萬億那由他佛供養無空過者福德筭數不及心限卽福少意曠則功德多也第八於末世下明若具說無所得持經所得福時人聞則狂亂狐疑不信解通人曠德必無涯狂亂不信不足明

道也第九義不可思議萬行淵深義能誰測以無所得無所有如是有無所有爲義以非般若爲般若義故不可思議第十果報不可思議菩提妙果豈有心之所議如華嚴經明初發心便成正覺與微塵法界衆生爲眷屬故知果報不可思議也須菩提問下第二周重說般若或爲後來或是爲鈍根者文亦三段初從問去至福德多明體次佛可以色身見去至前偈辨名後如來不以具足相故至壽者見明用並無所有就體中辨於三假初受假次名假後法假受是人卽有名此人之與名有能成之法三假是立法



云何將三假釋無所有三假乃是立法亦是壞法今  
欲明無所有故須將來釋若橫論破病則實是一無  
所有若豎論望道卽無所有而不無所有此三假亦  
然能成能破故旣言假有竟何所有旣言假有何爲  
而不有初約釋尊因無所有次約如來果無所有後  
約菩薩化他明無所有就因中更爲三初佛告下釋  
因無所有次然燈下引證後如是如是下佛述釋中  
又三初明得次明失後雙釋得失初明發心欲度衆  
生起弘誓願我當滅度一切衆生實無衆生得滅度  
者此明菩薩知衆生如有何可滅若實有衆生可度  
釋論云菩薩得殺衆生罪又大品如化品佛語須菩  
提諸法本有今無耶此卽責須菩提意衆生非本時  
有今時無何須慰喻始行菩薩本自無生今何可滅  
也二何以故下明失若菩薩有我人等相卽非菩薩  
以失明得理可知矣所以者何下雙釋得失無發心  
者故知無我卽行人空計我有惑故非菩薩於意云  
何下第二引證證中有問答初問中卽引自昔得記  
之解以證前說次今答中無有法得菩提聖心難測  
義推可圖得記由於無相無相之中卽無所得也如  
是如是下第三佛述如汝所說者在因時已自無所

有故無所得菩提佛與我記若見有法則乖菩提何  
容得記無法得菩提是故然燈佛受記無法則會理  
會理則向極故得記也何以故下第二是明果無所  
有有三義初明如次證後譬初卽此是果人同如同  
如故無所有諸法性空理無乖異謂之爲如會如解  
極故名如來也若有人言如來得菩提下若有說如  
來得菩提者此人俗間語非理言也實無有法得菩  
提佛人也菩提道也旣無人法誰得菩提無實無虛  
者是非旣盡則會菩提菩提之中不見是非非實卽  
無是非虛卽無非也是故如來說一切法下第二證

如來無所有如來在一切數故凡夫違一切法爲邪  
聖人順一切法爲正正卽覺悟故皆佛法矣譬如身  
長大下第三說非果而果直舉人身類上諸法緣假  
故長大無性卽非身旣非般若爲般若者寧不以非  
身爲身耶若菩薩作是言下第三明菩薩化他無所  
有初明化人次引佛說爲證後明嚴土初滅度衆生  
不名菩薩元無衆生橫見衆生見卽乖道非菩薩也  
何以故下釋菩薩自無何有衆生二是故佛說下引  
證無菩薩亦無衆生一切法都無我也三若菩薩  
言莊嚴佛土者虛襟進道嚴土濟物濟物之行方便

慧也解空無相謂之爲慧若言我能莊嚴國土衆生  
可化見惑違道何名菩薩也何以故如來說非莊嚴  
是名莊嚴者無存於化而土自嚴也明應住義受假  
竟若菩薩通達無我法者下第二明名假無所有文  
二初通達無我既云一切法皆無所有何名菩薩今  
實無一切諸法而今言菩薩但有其名今明此名亦  
無所有故何名此爲菩薩通達諸法無我等相故名  
菩薩真菩薩故所以能通達無我二立真解通達非  
僞真菩薩也名假竟五眼下第三明法假無所有卽  
上如來悉知見是人其文又三初明智慧次明心後  
明功德法雖多不過功德智慧二種嚴心爲其體故  
備空也此是初明智慧空智慧雖多不過五眼舊云  
肉眼見障內天眼見障外慧眼見真法眼見俗佛眼  
通知內外法今言但是一智差別說之故有五耳釋  
論云法眼知聲聞緣覺等法故名法眼是以知俗名  
法眼然此中本明智慧空而直辨五眼不言其空者  
意現於後後既將智體心空智寧不空後明功德空  
前智豈不空以前明智有後明功德無無有雖殊致  
不乖也二恒河中去是明心無所有以舉恒沙等來  
爲欲校量取心明其空耳如來說心皆爲非心只以

非心爲心此與前不異五眼照理無不周備舉色心收境盡矣三世不可得說非心名心何者以三世心無性可得故可從緣而生心也三若人滿三千七寶布施下明功德無所有明福有實此卽有量豈得多耶以無福爲福故多也金玉無性故可積滿三千福德無實則可曠施而多心之無性惑滅解生也法假竟佛可以色身見下第二明經名初各次行名中有三初身相次說法後福多色身者法身如空月色身若水像世間之色無實可觀尋其本實卽法身也慧爲萬善之主施爲衆行之首總爲丈六金容別則衆

相云娑婆隨現則爲相豈可一方盡極我當有所說法下第二明說法又二初正對上名道成應出說法化人謬傳毀聖名爲謗佛無法可說是名說法故傳說法之意向言無說非杜默不語但無存而說卽說滿天下無乖法理之過也佛得菩提下第二明習應有問答前應後習佛人也菩提道也佛得道故說以示人而言無法可說未審得道不答中乃至無有少法可得相盡虛通謂之菩提菩提無相有何可得寂滅無得道之至也是法平等下結成菩提義也人無貴賤法無好醜平等菩提義也無我無人修一切善

者卽是修義夫形端故影直聲和則響順忘我人而  
修因必尅無相之菩提所言善法者人旣不有善何  
得實耶善是離惡之名法是執持之義三千世界中  
山王七寶下第三明福多聚寶有盡妙解無窮一偈  
法寶勝無量珍也我當度衆生下菩提無得爲果故  
以忘言而說勿謂如來見衆生可度若見有衆生則  
爲我見何謂如來但說假名我耳非實我而凡夫者  
聞說假名不達言旨以爲實我如來說非凡夫者凡  
夫不實故可化而成佛也可以三十二相觀如來下  
二辨行就文有五 一正觀問二邪答三佛難四領解

五佛舉正義爲釋初以問疑者謂衆生是有可化而  
聖法身不無可以妙相而期故問之也次邪答者聽  
者實爾用三十二相是如來也三難輪王是佛卽以  
近事質之令其自解四信解不應時情謂然我解不  
爾五佛舉正釋者五色煥眼而非形八音盈耳而非  
聲偏謬爲邪愚邪隔不見也若作念下第三功用無  
所有卽是有不斷滅義有因有果一切宛然卽是般  
若方便用論云得般若氣分故有居空涉有之用無  
復滯闕此下去不說諸法斷滅就文有二初果次因  
有義雖多不過因果明果中二初誠次明有汝莫作

念誠也勿言諸法一向無所有故謂不以具足相得  
菩提不偏在色聲故向言非非不身相故復言是也  
發阿耨下第二明因亦二前誠後明有莫起斷滅相  
盡寂滅故不有道王十方非謂無應畢而謝卽不常  
感至隨現故不斷體合中道軌物之式限之一方豈  
不謬哉若人滿恒沙七寶下結般若成忍就文復三  
初明體道成忍之行無所有次明體道證忍之人無  
所有三明體道行忍之用無所有以行成人人故有  
用備明無所有就忍行中先校量次若復有人下明  
成忍之行無所有忘我則忍成超出故勝也白佛下

第二明體道證忍之人無所有初明因人不受後明  
果人不受初明因中有問答乃云不受亦不受受其  
報種已名貪著無存我人邪染何生次若來若去下  
明果人不受若言從真如實際中來善逝自及化人  
去至涅槃皆是不解佛所說義如來道蔭之主世界  
權應之宅衆生慈育之子舉此三事大旨彰矣無來  
無去故名如來解極會如體無方所緣至物見來無  
所從感畢爲隱亦何所去也若三千碎塵下第三明  
體道行忍之用有四初明碎塵用二碎界用三碎合  
相用四碎諸見用以微塵成世界有合世界有合故

起見見者卽失謂有此四妄想得者非見爲見乃至非塵爲塵爲得此四並是般若用塵界等是依報見是正報合通色心卽此下是碎塵用善男子並是大行同華嚴中說佛說非微塵爲微塵次三千下明成世界用微塵非實故可碎而爲多世界非有則可假借而成也三一合相下破一合相以非合爲合故是不可說只復言是合此復非復是故假名說合何爲而非合以非合爲合竟何有合大經四句皆不可說有因緣故亦可得說今亦無合假說合耳中論小品皆破合當知無合今經中說合順俗假說耳凡夫貪

著其事不知事卽理理無所有卽是事無所有何故非世界各世界若是實有卽應一性合不可分假衆生名一無合可得假名無體不可實說疑惑則凡夫貪著故計實四佛說我見下明破諸見用凡夫謂諸見決定是見今佛說非見以本來無所有諸見非實可改爲正衆生虛假從凡至聖正說竟從發菩提去第三流通段非止近益當時亦乃遠傳千載文爲二初付囑次奉行付囑又三初正付囑次校量後方法始終旣畢故指宗勸人凡欲發心成佛淨國土化衆生當如上所說理而生知見也如是信解者理深未

明推信爲解耳不生法相但是虛假非實法也如來說非法相是名法相窮理盡明其唯如來說言非實故應從信矣二阿僧祇七寶下校量流通七寶有竭四句無窮明以無所得心指經一偈其福勝彼有所得施三云何爲人下後方法初標次釋釋中有止有觀弘通此經若爲方法須不取法相須如真如上如是智下如是境心境符合故得不動不動空有等法何以故下一偈明觀觀諸法夢幻等而爲人說句偈有真實及有此假有也大品十喻一幻二焰三水月四虛空五響六乾城七夢八影九鏡像十化此中舉六論本明九然流通方法不出止觀故今略舉卽止爲觀故見一切皆空夢幻卽觀而止故一切夢等悉如如也佛說是經下第二奉行流通聞法歡喜旣能信受復如說行說人如法受者得解般若真正之法非是有所得斷常等法三事具足說人是佛一切智人所說之法卽中道正法般若無所得法受者最上乘人久種三多持戒修福三德斯備聞不驚怖卽能信解是故歡喜道蘊聖心待字則彰宿感冥構不謀而集同聽齊悟法喜蕩心服玩遵式永崇不朽者

矣



金剛般若經疏

金剛般若經疏

音釋

膾

食陵切稻

愕 五各切

闕 牛代切

與礙同

休寧仰山比丘海達寂慧施贊全刻此  
金剛般若經疏 計字一萬二千七百零九

悉取世出將結其際不榮二奉百眾無開志憐喜爾  
也為贖姑貝一民皆空夢以唱贖而北姑二財夢  
取六備本則其然眾度寸哉不出土贖姑今却果價

天台四教儀

高麗沙門諦觀錄

天台智者大師以五時八教判釋東流一代聖教聲

無不盡言五時者一華嚴時二鹿苑時 說四三方等

時 說維摩思益楞伽楞嚴 四般若時 說摩訶般若若光

若三昧金光明勝鬘等經 五法華涅槃樂時是為五時亦名五味言

八教者頓漸秘密不定藏通別圓是名八教頓等四

教是化儀如世藥方藏等四教名化法如辨藥味如

是等義散在廣文今依大本略錄綱要初辨五時五

味及化儀四教然後出藏通別圓第一頓教者即華

天那

天台四教儀

七

卷上

嚴經也從部時味等得名為頓所謂如來初成正覺  
 在寂滅道場四十一位法身大士及宿世根熟天龍  
 八部一時圍繞如雲籠月爾時如來現盧舍那身說  
 圓滿修多羅故言頓教若約機約教未免兼權謂初  
 發心時便成正覺等文為圓機說圓教處處說行布  
 次第則為權機說別教故約部為頓約教名兼此經  
 中云譬如日出先照高山時第一涅槃云譬如從牛出  
 乳此從佛出十二部經味一乳法華信解品云即遣旁  
 人急追將還窮子驚愕稱怨大喚等此領何義答諸  
 聲聞在座如聾若啞等是也第二漸教者此下三時  
三味總名

漸為次為三乘根性於頓無益故不動寂塲而游鹿苑  
 脫舍那珍御之服著丈六弊垢之衣示從兜率降下  
 託摩耶胎住胎出胎納妃生子出家苦行六年已後  
 木菩提樹下以草為座成劣應身初在鹿苑先為五  
 人說四諦十二因緣事六度等教若約時則日照幽  
 谷時二若約味則從乳出酪此從十二部經出九部  
 修多羅味一信解品云而以方便密遣二人聲聞形  
 色憔悴無威德者汝可詣彼徐語窮子雇汝除糞此  
 領何義答次頓之後說三藏教二十年中常令除糞  
 即破見思煩惱等義也次明方等部淨名等經彈偏

折小歎大褒圓四教俱說藏爲半字教通別圓爲滿  
字教對半說滿故言對教若約時則食時第三時若約  
味則從酪出生酥此從九部出方等三生酥味信解品云  
過是已後心相體信出入無難然其所止猶在本處  
此領何義答三藏之後次說方等已得道果心相體  
信聞罵不瞋內懷慚愧心漸淳淑次說般若轉教付  
財融通淘汰此般若中不說藏教帶通別二正說圓  
教約時則禺中時第四時約味則從生酥出熟酥此從  
方等之後出摩訶般若四熟酥味信解品云是時長者有  
疾自知將死不久語窮子言我今多有金銀珍寶倉

庫盈溢其中多少所應取與此領何義答明方等之  
後次說般若般若觀慧卽是家業空生身子受勅轉  
教卽是領知等也已上三味對華嚴頓教總名爲漸  
第三秘密教者如前四時中如來三輪不思議故或  
爲此人說頓或爲彼人說漸彼此互不相知能令得  
益故言秘密教第四不定教者亦由前四味中佛以  
一音演說法衆生隨類各得解此則如來不思議力  
能令衆生於漸說中得頓益於頓說中得漸益如是  
得益不同故言不定教也然秘密不定二教教下義  
理只是藏通別圓化儀四教齊此次說法華開前頓

漸會入非頓非漸故言開權顯實又言廢權立實又  
 言會三歸一言權實者名通今昔義意不同謂法華  
 已前權實不同大小相隔如華嚴時一權一實別圓實  
 各不相即大不納小故小雖在座如聾若瘖是故所  
 說法門雖廣大圓滿攝機不盡不暢如來出世本懷  
 所以者何初頓部有一麤別教一妙圓教一妙則與法華  
 無二無別若是一麤須待法華開會廢了方始稱妙  
 次鹿苑但麤無妙藏教次方等三麤藏別一妙圓教次般  
 若二麤別教一妙圓教來至法華會上總開會廢前四味  
 麤令成一乘妙諸味圓教更不須開本自圓融不待

開也但是部內兼但對帶故不及法華淳一無雜獨  
 得妙名良有以也故文云十方佛土中唯有一乘法  
 無二亦無三一教正直捨方便但說無上道行但為菩  
 薩不為小乘一人世間相常住理時人未得法華妙旨  
 但見部內有三車窮子化城等譬乃謂不及餘經蓋  
 不知重舉前四時權獨顯大車但付家業唯至寶所  
 故致誹謗之咎也約時則日輪當午晷無側影第五時  
 約味則從熟酥出醍醐此從摩訶般若出法華五醍醐味  
 信解品云聚會親族即自宣言此實我子我實其父  
 吾今所有皆是子有付與家業窮子歡喜得未曾有

此領何義答卽般若之後次說法華先已領知庫藏諸物臨命終時直付家業而已譬前轉教皆知法門說法華時開示悟入佛之知見授記作佛而已次說大涅槃者有二義一爲未熟者更說四教具談佛性令其真常入大涅槃故名捨捨教二爲末代鈍根於佛法中起斷滅見天傷慧命亡失法身設三種權扶一圓實故名扶律談常教然若論時味與法華同論其部內純雜小異故文云從摩訶般若出大涅槃前法華合此經爲第五時也問此經具四教與前方等部具說四教爲同爲異答名同義異方等中四圓則

初後俱知常別則初不知後方知應通則初後俱不知涅槃中四初後俱知問將五味對五時教其意如何答有二一者但取相生次第所謂牛譬於佛五味譬教乳從牛出酪從乳生二酥醍醐次第不亂故譬五時相生次第二者取其濃淡此則取一番下劣根性所謂三乘根性在華嚴座不信不解不變凡情故譬其乳次至鹿苑聞三藏教二乘根性依教修行轉凡成聖故譬轉乳成酪次至方等聞彈斥聲聞慕大恥小得通教益如轉酪成生酥次至般若奉勅轉教心漸通泰得別教益如轉生酥成熟酥次至法華聞

三周說法得記作佛如轉熟酥成醍醐此約最鈍根具經五味其次者或經一二三四其上達根性味味得入法界實相何必須待法華開會上來已錄五味五時化儀四教大綱如此自下明化法四教第一二三藏教者一修多羅藏四阿含二阿毗曇藏俱舍婆沙等論三毗尼藏五部律此之三藏名通大小今取小乘三藏也大智度論云迦旃延子自以聰明利根於婆沙中明三藏義不讀衍經非大菩薩又法華云貪著小乘三藏學者依此等文故大師稱小乘為三藏教此有三乘根性初聲聞人依生滅四諦教言四諦者一苦諦

二十五有依正二報是言二十五有者四洲四惡趣六欲并梵天四禪四空處無想五那含四洲四趣成梵王天成十五四禪四空處成二十三無想天及那含天成二十五別則二十五有總則六道生死一地獄道梵語捺洛迦又語泥黎此翻苦具而言地獄者此處在地之下故言地獄謂八寒八熱等大獄各有眷屬其類無數其中受苦者隨其作業各有輕重經劫數等其最重處一日之中八萬四千生死經劫無量作上品五逆十惡者感此道身二畜生道亦云旁生此道徧在諸處披毛戴角鱗甲羽毛四足多足有足無足水陸空行互相吞噉受苦

無窮愚癡貪欲作中品三逆十惡者感此道身三餓  
 鬼道梵語闍黎哆此道亦徧諸趣有福德者作山林  
 塚廟神無福德者居不淨處不得飲食常受鞭打填  
 河塞海受苦無量諂誑心意作下品五逆十惡感此  
 道身四阿修羅道此翻無酒又無端正又無天或在  
 海岸海底宮殿嚴飭常好鬪戰怕怖無極在因之時  
 懷猜忌心雖行五常欲勝他故作下品十善感此道  
 身五人道四洲不同謂東弗婆提壽二百南閻浮提  
 身壽一百西瞿耶尼壽五百北鬱單越壽一千命無中天  
 難之皆苦樂相間在因之時行五常五戒五常者仁

義禮智信五戒者不殺不盜不邪淫不妄語不飲酒  
 行中品十善感此道身六天道二十八天不同欲界  
 色界十八天初欲界六天者一四天王天居須彌二  
 忉利天居須彌山頂自有三十三天三夜摩天  
 四兜率天五化樂天六他化自在天修上品十善兼  
 坐未到定得坐其中次色界十八天分為四禪初禪三天梵眾  
 梵二禪三天少光無量三禪三天少淨無量四禪九  
 天無雲福生果已三三天凡夫住處修上品十善  
 見善現色究竟已五天第三果居處上之九天離  
 欲羸散未出色籠故名色界坐得禪定故得禪名  
 三無色界四天空處識處無所有處非非想已上四  
 天只有四陰而無色蘊故得名也

支那

天台四教傳

七

會十

上來所釋從地獄至非非想天雖然苦樂不同未免  
生而復死死已還生故名生死此是藏教實有苦諦  
二集諦者卽見思惑又云見修又云四住又云染汚  
無知又云取相惑又云枝末無明又云通惑又云界  
內惑雖名不同但見思耳初釋見惑有八十八使所  
謂一身見二邊見三見取四戒取五邪見已上六貪  
七瞋八癡九慢十疑鈍使此十使歷三界四諦下增  
減不同成八十八謂欲界苦十使其足集滅各七使  
除身見邊見戒取道諦八使除身見邊見四諦下合  
爲三十二上二界四諦下餘皆如欲界只於每諦下

除瞋使故一界各有二十八二界合爲五十六并前  
三十二合爲八十八使也二明思惑者有八十一品  
謂三界分爲九地欲界合爲一地四禪四定爲八共  
爲九地欲界一地中有九品貪瞋癡慢言九品者上  
上上中上下中上中中下下上下下中下下上八地  
各有九品除瞋使故成八十一也上來見思不同總  
是藏教實有集諦三滅諦者滅前苦集顯偏真理因  
滅會真滅非真諦四道諦者略則戒定慧廣則三十  
七道品此三十七合爲七科一四念處一觀身不淨  
蘊二觀受是苦受蘊三觀心無常識蘊四觀法無我想行蘊



二四正勤一未生惡令不生二已生惡令滅三未生善令生四已生善令增長三四如意足欲念進慧四五根信進念定慧五五力同上六七覺支念禪進喜輕安定捨七八正道正見正思惟正語正業已上七科即是藏教生滅道諦然如前所列四諦名數通下三教但是隨教廣狹勝劣生滅無生無量無作不同耳故向下名數更不再列然四諦之中分世出世前二諦為世間因果苦後二諦為出世間因果滅果問何故世出世前果後因耶答聲聞根鈍知苦斷集慕果修因是故然也略明藏教修行人之與位初明聲聞位分二初凡二

聖凡又二外凡內凡釋外凡中自分三初五停心一多貪衆生不淨觀二多嗔衆生慈悲觀三多散衆生數息觀四愚癡衆生因緣觀五多障衆生念佛觀二別相念處如前四念處是三總相念處一觀身不淨受心法皆不淨乃至觀法無我身受心亦無我中間例知上三科名外凡亦各資糧位二明內凡者有四謂煖頂忍世第此位為內凡亦各加行位又各四善根位上來內凡外凡總名凡位亦各七方便位次明聖位亦分三一見道初三修道二三三無學道四一須陀洹此翻預流此位斷三界八十八使見惑見真諦故名為見道又名聖位二斯陀含

此云一來此位斷欲界九品思中斷前六品盡後三  
 品猶在故更一來三阿那含此云不來此位斷欲殘  
 思盡進斷上八地思四阿羅漢此云無學又云無生  
 又云殺賊又云應供此位斷見思俱盡子縛已斷果  
 縛猶在名有餘涅槃若灰身滅智名無餘涅槃又名  
 孤調解脫略明聲聞位竟次明緣覺亦名獨覺值佛  
 出世稟十二因緣教所謂一無明煩惱障二行業障  
此二支三識託胎一四名色名是心五六入六根成  
屬過去六觸胎七受領納前境好惡等事從八愛變九取凡見一切境皆生取者心此二十有業已成  
未來因皆屬煩惱如過去無明就是未

來因屬業道

如過去行 十一生未來受

十二老死此是所滅之

境與前四諦開合之異耳云何開合謂無明行愛取  
 有此之五支合為集諦餘七支為苦諦也既名異義  
 同何故重說為機宜不同故緣覺之人先觀集諦所  
 謂無明緣行行緣識乃至生緣老死此則生起若滅  
 觀者無明滅則行滅乃至生滅則老死滅因緣十二  
 因緣覺真諦理故言緣覺言獨覺者出無佛世獨宿  
 孤峰觀物變易自覺無生故名獨覺兩名不同行位  
 無別此人斷三界見思與聲聞同更侵習氣故居聲  
 聞上次明菩薩位者從初發心緣四諦境發四弘願

修六度行一未度者令度卽眾生無邊誓願度此緣  
 苦諦境二未解者令解卽煩惱無盡誓願斷此緣集  
 諦境三未安者令安卽法門無量誓願學此緣道諦  
 境四未得涅槃者令得涅槃卽佛道無上誓願成此  
 緣滅諦境既已發心須行行填願於三阿僧祇劫修  
 六度行百劫種相好言三阿無僧祇數劫時者且約  
 釋迦修菩薩道時論分限者從古釋迦至尸棄佛值  
 七萬五千佛名初阿僧祇從此常離女身及四惡趣  
 常修六度然自不知當作佛若望聲聞位卽五停心  
 總別念處外次從尸棄佛至然燈佛值七萬六千佛

名第二阿僧祇此時用七莖蓮華供養布髮掩泥得  
 受記苾芻釋迦文爾時自知作佛口未能說若望聲  
 聞位卽墮位次從然燈佛至毗婆尸佛七萬七千佛  
 名第三阿僧祇滿此時自知亦向人說必當作佛自  
 他不疑若望聲聞位卽頂位經如許時修六度竟更  
 住百劫種相好因修百福成一相福義多途難可定  
 判又云大千盲人治差爲一福等修行六度各有滿  
 時如尸毗王代鴿檀滿普明王捨國尸滿孱提仙人  
 爲歌利王割截無恨忍滿大施太子杼海并七日翹  
 足讚弗沙佛進滿尙闍黎鵲巢頂上禪滿劬嬪大臣

分間浮提七分息諍智滿望初聲聞位是下忍位次入補處生兜率託胎出胎出家降魔安坐不動爲中忍位次一剎那入上忍位次一剎那入世第一位發真無漏三十四心頓斷見思習氣坐木菩提樹下生草爲座成劣應丈六身佛受梵王請三轉法輪度三根性住世八十年現老比丘相薪盡火滅入無餘涅槃者卽三藏佛果也上來所釋三人修行證果雖則不同然同斷見思同出三界同證偏真只行三百由旬入化城耳略明藏教竟次明通教者通前藏教通後別圓故名通教又從當教得名謂三人同以無言

說道體色入空故名通教依大品經乾慧等十地卽是此教位次也一乾慧地未有理水故得其名卽外凡位與藏教五停心總別等三位齊二性地相似得法性水伏見思惑卽內凡位與藏教四善根齊三八人地四見地此二位入無間三昧斷三界八十八使見盡發真無漏見真諦理與藏教初果齊五薄地斷欲界九品思前六品與藏教二果齊六離欲地斷欲界九品思盡與藏教三果齊七已辦地斷三界見思惑盡但斷正使不能侵習如燒木成炭與藏教四果齊聲聞位齊此八辟支佛地更侵習氣如燒炭成灰

九菩薩地正使斷盡與二乘同扶習潤生道觀雙流  
游戲神通淨佛國土十佛地機緣若熟以一念相應  
慧頓斷殘習坐七寶菩提樹下以天衣爲座現帶劣  
勝應身成佛爲三乘根性轉無生四諦法輪緣盡入  
滅正習俱除如炭灰俱盡經云三獸度河謂象馬兔  
也喻斷惑不同故又經云諸法實相三乘皆得亦不  
名佛卽此教也此教三乘因同果異證果雖異同斷  
見思同出分段同證偏真然於菩薩中有二種謂利  
鈍鈍則但見偏空不見不空止成當教果頭佛行因  
雖殊果與藏教齊故言通前若利根菩薩非但見空

兼見不空不空卽中道分二種謂不但若見但中  
別教來接若見不但中圓教來接故言通後問何位  
受接進入何位答受接人三根不同若上根三地四  
地被接中根之人五地六地下根之人七地八地所  
接之教真似不同若似位被接別十廻向圓十信位  
若真位受接別初地圓初住問此藏通二教同是三  
乘同斷四住止出三界同證偏真同行三百由旬同  
入化城何故分二答誠如所問然同而不同所證雖  
同大小巧拙永異此之二教是界內教藏是界內小  
拙不通於大故小耕色入空故拙此教三人雖當教

內有上中下異望通三人則一槩鈍根故須析破也  
通教則界內大巧大謂大乘初門故巧謂體色入空  
故雖當教中三人上中下異若望藏教則一槩爲利  
問教旣大乘何故有二乘之人答朱雀門中何妨庶  
民出入故人雖有小教定是大大乘兼小漸引入實  
豈不巧哉般若方等部內共般若等卽此教也略明  
通教竟次明別教者此教明界外獨菩薩法教理智  
斷行位因果別前二教別後圓教故名別也涅槃云  
四諦因緣有無量相非聲聞緣覺所知諸大乘經廣  
明菩薩歷劫修行位次第五不相攝此並別教之

相也華嚴明十住十行十迴向爲賢十地爲聖妙覺  
爲佛纓絡明五十二位金光明但出十地佛果勝天  
王明十地涅槃明五行如是諸經增減不同者界外  
菩薩隨機利益豈得定說然位次周足莫過纓絡經  
故今依彼略明菩薩歷位斷證之相以五十二位東  
爲七科謂信住行向地等妙又合七爲三初凡二聖  
就凡又二信爲外凡住行向爲內凡亦名爲賢約聖  
亦三三地等覺爲因妙覺爲果大分如此自下細釋  
初言十信者十信三念三精進四慧五定六不退七  
迴向八護法九戒十願此十位伏三界見思煩惱故

名伏忍位與藏教七賢位通教乾慧性地齊次明十住者一發心住斷三界見惑盡與藏教初果通教八人見地齊二治地三修

行四生貴五具足方便六正心七不退界上六住斷得位不退與藏通二能齊八童真九法王子十灌頂界上三住斷界內塵沙伏

開慧眼成一切智行三百由旬次明十行者二歡喜

二饒益三無違逆四無屈撓五無癡亂六善現七無

著八難得九善法十真實斷界外塵沙惑亦云性種性用從

空入假觀見俗諦開法眼成道種智次明十廻向者

一救護衆生離衆生相二不壞三等一切諸佛四至

一切處五無盡功德藏六入一切平等善根七等隨

順一切衆生八真如相九無縛無着解脫十入法界

無量伏無明習中觀亦名道種性行四百由旬居方便餘

土已上三十位為三賢亦各內凡從八住至此為行不退位次明十地者一歡喜

從此用中道觀被一分無明顯一分三德乃至等覺俱名聖種性

此是見道位又無功用位百界作佛八相成道利益衆生行五百由旬

初入實報無障闔土初入寶所二離垢地三發光地

四發慧地五難勝地六現前地七遠行地八不動地

九善慧地十法雲地已上九地地各斷一品無明證一分中道更斷一

品入等覺位亦名金剛心亦名一生補處亦名有上

士更破一品無明入妙覺位坐蓮華藏世界七寶菩提樹下大寶華王座現圓滿報身為鈍根菩薩衆轉無量四諦法輪卽此佛也有經論說七地已前名有功用道入地已上名無功用道妙覺位但破一品無明者總是約教道說有處說初地斷見從二地至六地斷思與羅漢齊者此乃借別教位名各通教位耳有云三賢十聖住果報唯佛一人居淨土此借別教名明圓教位也如此流類甚衆須細知當教斷證之位至何位斷何惑證何理往判諸教諸位無不通達略明別教竟次明圓教者圓名圓妙圓滿圓足圓頓

故名圓教也所謂圓伏圓信圓斷圓行圓位圓自在莊嚴圓建立衆生諸大乘經論說佛境界不共三乘位次總屬此教也法華中開示悟入四字對圓教住行向地此四十位華嚴云初發心時便成正覺所有慧身不由他悟清淨妙法身湛然應一切此明圓四十二位維摩經云薝蔔林中不嗅餘香入此室者唯聞諸佛功德之香又云入不二法門般若明最上乘涅槃明一心五行又經云有人入大海浴已用一切諸河之水又娑伽羅龍澍車軸雨唯大海能受餘地不堪又擣萬種香爲丸若燒一塵具足衆氣如是等



類竝屬圓教今且依法華纓絡略明位次有八一品弟子位外凡出法華經二十信位內凡三十住位聖初四十行五十廻向六十地七等覺是四未八妙覺是果位初五品位者一隨喜品經云若聞是經而不毀訾起隨喜心問隨喜何法答妙法妙法者卽此心也妙心體具如如意珠心佛及衆生是三無差別此心卽空卽假卽中常境無相常智無緣無緣而緣無非三觀無相而相三諦宛然初心知此慶已慶人故名隨喜內以三觀觀三諦境外以五悔勤加精進助成理解言五悔者有二一理二事理懺者若欲懺悔者端坐念實相

衆罪如霜露慧日能消除卽此義也言事懺者晝夜六時三業清淨對於尊像披陳過罪無始已來至于今身凡所造作殺父殺母殺阿羅漢破和合僧出佛身血邪淫偷盜妄言綺語兩舌惡口貪瞋癡等如是五逆十惡及餘一切隨意發露更不覆藏畢故不遠新若如是則外障漸除內觀增明如順流舟更加櫂棹豈不速疾到於所止修圓行者亦復如是正觀圓理事行相助豈不速至妙覺彼岸莫見此說便謂漸行謂圓頓無如是行謬之甚矣何處天然彌勒自然釋迦若纔聞生死卽涅槃煩惱卽菩提卽心是佛不

動便到不加修習便成正覺者十方世界盡是淨土  
觸向對面無非覺者今雖然卽佛此是理卽亦是素  
法身無其莊嚴何關修證者也我等愚輩纔聞卽空  
便廢修行不知卽之所由鼠啣鳥空廣在經論尋之  
思之二勸請者勸請十方諸如來留身久住濟含識  
三隨喜者隨喜稱贊諸善根四廻向者所有稱贊善  
盡廻向菩提五發願者若無發心萬事不成故須發  
心以導前四是爲五悔下去諸位直至等覺總用五  
悔更不再出例此可知二讀誦品者經云何況讀誦  
受持之者謂內以圓觀更加讀誦如膏助火三說法

品者經云若有受持讀誦爲他人說內解轉勝專利  
前人化功歸己心倍勝前四兼行六度經云况復有  
人能持是經兼行布施等福德力故倍增觀心五正  
行六度者經云若人讀誦爲他人說復能持戒等謂  
自行化他事理具足觀心無閤轉勝於前不可比喻  
此五品位圓伏五住煩惱外凡位也與別十信位同  
次進六根清淨位卽是十信初信斷見惑顯真聖與  
藏教初果通教八人見地別教初住齊證位不退也  
次從二信至七信斷思惑盡與藏通二佛別教七住  
齊三界苦集斷盡無餘故仁王云十善菩薩發大心

長別三界苦輪海解曰十善者各具十善也若別十信卽伏而不斷故定屬圓信然圓人本期不斷見思塵沙意在入住斷無明見佛性然譬如冶鐵麤垢先去非本所期意在成器器未成時自然先落雖覓先去其人無一念欣心所以者何未遂所期故圓教行人亦復如是雖非本所望自然先落永嘉大師云同除四住此處爲齊若伏無明三藏則劣卽此位也解曰四住者只是見思謂見爲一名見一切處住地思惑分三一欲愛住地欲界九品思二色愛住地色界四地各九品思三無色愛住地無色界四地各九品

思此之四住三藏佛與六根清淨人同斷故言同除四住也言若伏無明三藏則劣者無明卽界外障中道之別惑三藏教止論界內通惑無明名字尚不能知况復伏斷故言三藏則劣也次從八信至十信斷界內外塵沙惑盡假觀現前見俗諦理開法眼成道種智行四百由旬與別教八九十住及行向位齊行不退也次入初住斷一品無明證一分三德謂解脫般若法身此之三德不縱不橫如世伊三點若天主三目現身百界八相成道廣濟羣生華嚴經云初發心時便成正覺所有慧身不由他悟清淨妙法身湛

然應一切解曰初發心者初住名也便成正覺者成  
八相佛也是分證果卽此教真因謂成妙覺謬之甚  
矣若如是者二住已去諸位徒施若言重說者佛有  
煩重之咎雖有位位各攝諸位之言又云發心究竟  
二不別須知攝之所由細識不二之旨龍女便成正  
覺諸聲聞人受當來成佛記莈皆是此位成佛之相  
慧身卽般若德了因性開發妙法身卽法身德正因  
性開發應一切卽解脫德卽緣因性開發如此三身  
發得本有故言不由他悟中觀現前開佛眼成一切  
種智行五百由旬到寶所初居實報無障闍土念不

退位次從一住至十住各斷一品無明增一分中道  
與別教十地齊次入初行斷一品無明與別教等覺  
齊次入二行與別教妙覺齊從三行已去別教之人  
尚不知名字何況伏斷以別教但破十二品無明故  
故以我家之真因爲汝家之極果只緣教彌權位彌  
高教彌實位彌下譬如邊方未靜借職則高定爵論  
勳其位實下故權教雖稱妙覺但是實教中第二行  
也次從三行已去至十地各斷一品無明增一分中  
道卽斷四十品惑也更破一品無明入等覺位此是  
一生補處進破一品微細無明入妙覺位永別無明

父母究竟登涅槃山頂諸法不生般若若不生不生不生名大涅槃以虛空為座成清淨法身居常寂光土即圓教佛相也然圓教位次若不以六即判之則多濫上聖故須六即判位謂一切眾生皆有佛性亦佛無佛性相常住又云一色一香無非中道等言總是理即次從善知識及從經卷聞見此言為名字即依教修行為觀行即位五品相似解發為相似即信十分見為分證即從初住至等覺智斷圓滿為究竟即妙覺約修行位次從淺至深故名為六約所顯理體位位不二故名為即是故深識六字不生上慢委明即字不生自屈可歸可依思之擇之略明圓教位竟然依上四教修行時各有方便正修謂二十五方便十乘觀法若教教各明其文稍煩義意雖異名數不別故今總明可以意知言二十五方便者束為五科一具五緣二訶五欲三棄五蓋四調五事五行五法初明五緣者一持戒清淨如經中說依因此戒得生諸禪定及滅苦智慧是故比丘應持淨戒有在家出家大小乘不同二衣食具足衣有三一者如雪山大士隨所得衣蔽形即足不游人間堪忍力成故二者如迦葉等集糞埽衣及但三衣不畜餘長三者多寒國土如

父母究竟登涅槃山頂諸法不生般若若不生不生不生名大涅槃以虛空為座成清淨法身居常寂光土即圓教佛相也然圓教位次若不以六即判之則多濫上聖故須六即判位謂一切眾生皆有佛性亦佛無佛性相常住又云一色一香無非中道等言總是理即次從善知識及從經卷聞見此言為名字即依教修行為觀行即位五品相似解發為相似即信十分見為分證即從初住至等覺智斷圓滿為究竟即妙覺約修行位次從淺至深故名為六約所顯理體位位不二故名為即是故深識六字不生上慢委明即字不生自屈可歸可依思之擇之略明圓教位竟然依上四教修行時各有方便正修謂二十五方便十乘觀法若教教各明其文稍煩義意雖異名數不別故今總明可以意知言二十五方便者束為五科一具五緣二訶五欲三棄五蓋四調五事五行五法初明五緣者一持戒清淨如經中說依因此戒得生諸禪定及滅苦智慧是故比丘應持淨戒有在家出家大小乘不同二衣食具足衣有三一者如雪山大士隨所得衣蔽形即足不游人間堪忍力成故二者如迦葉等集糞埽衣及但三衣不畜餘長三者多寒國土如


來亦許三衣之外畜百一眾具食亦有三一者上根  
大士深山絕世菜根草果隨得資身二常乞食三檀  
越送食僧中淨食三閒居靜處不作眾事名閒無憤  
鬧處名靜處有三例衣食可知四息諸緣務息正活  
息人事息工巧技術等五近善知識有三一外護善  
知識二同行善知識三教授善知識第二訶五欲一  
訶色謂男女形貌端嚴修目高眉丹脣皓齒及世間  
寶物玄黃朱紫種種妙色等二訶聲謂絲竹環珮之  
聲及男女歌詠聲等三訶香謂男女身香及世間飲  
食香等四訶味謂種種飲食殺饌美味等五訶觸謂

男女身分柔輒細滑寒時體溫熱時體涼及諸好觸  
等第三棄五蓋謂貪欲瞋恚睡眠掉悔疑第四調五  
事謂調心不沉不浮調身不緩不急調息不澁不滑  
調眠不節不恣調食不饑不飽第五行五法一欲欲  
離世間一切妄想顛倒欲得一切諸禪定智慧門故  
二精進堅持禁戒棄於五蓋初中後夜勤行精進故  
三念念世間欺誑可輕可賤禪定智慧可重可貴四  
巧慧籌量世間樂禪定智慧樂得失輕重等五一心  
念慧分明明見世間可患可惡善識禪定智慧功德  
可尊可貴此二十五法爲四教前方便故應須具足

若無此方便者世間禪定尚不可得豈况出世妙理乎然前明教既漸頓不同方便亦異依何教修行臨時審量耳次明正修十乘觀法亦四教名同義異今且明圓教餘教例此一觀不思議境謂觀一念心具足無減三千性相百界千如卽此之境卽空卽假卽中更不前後廣大圓滿橫豎自在故法華經云其車高廣上根正觀此境真正發菩提心謂依妙境發無作四弘誓願慙已慙他上求下化故經云又於其上張設幢蓋三善巧安心止觀謂體前妙理常恒寂然名爲定寂而常照名爲慧故經云安置丹枕車內枕四破法

徧謂以三觀破三惑三觀一心無惑不破故經云其疾如風五識通塞謂苦集十二因緣六蔽塵沙無明爲塞道滅滅因緣智六度一心三觀爲通若通須護有塞須破於通起塞能破如所破節節檢校名識通塞經云安置丹枕車內枕六道品調適謂無作道品一調停隨宜而入經云有大白車等已上五中根七對治助開謂若正道多障圓理不開須修事助謂五心及六度等經云又多僕從此下爲下根入知位次謂修行之人免增上慢故九能安忍謂於逆順安然不動策進五品而入六根十離法處謂莫著十信相似之道

須入初住真實之理經云乘是寶乘游於四方游四  
 直至道場妙覺謹案台教廣本抄錄五時八教略知  
 如此若要委明之者請看法華玄義十卷委判十方  
 三世諸佛說法儀式猶如明鏡及淨名玄義中兩卷  
 全判教相自從此下略明諸家判教儀式耳



妙樂頤等四教是此宗判教之大綱嚴等四教是一家釋義之綱  
 日若消諸教但用嚴等其文稍過若釋法華無頤等又舉止大指  
 釋教依如來教回體體實大悲願力隨順物機不獲已而用既  
 機宜不同致法有老卒從一實理施出權理權實二理能詮教  
 殊故有四种差別教起

浙江嘉興府楞嚴寺般若堂丙午年刻此天台四教儀計  
 字一萬零六字寫別銀共六兩零三厘  
 康熙五年 月 日



天台教儀終



